

PRANJE ZUBA

Postaju li naši zubi sve čišći ako ih duže i jače peremo četkicom za zube?

Britanski istraživači kažu da to nije tačno. Oni su isprobali mnogo različitih načina pranja zuba prije nego što su otkrili idealan. Dvije minute pranja četkicom, bez suviše jakog trljanja, daje najbolji rezultat. Ako previše jako trljate četkicom, oštećujete zubnu gleđ i desni, a pritom nećete ukloniti ni ostatke hrane ni plak.

Bente Hansen, stručnjak za pranje zuba, kaže da je četkicu za zube dobro držati onako kako držimo olovku. Ona kaže: „Počnite iz jednog ugla i trljajte duž cijelog reda”. „Ne zaboravite jezik! Na njemu može biti mnoštvo bakterija koje mogu uzrokovati loš zadah.”



„Pranje zuba” je tekst iz jednog norveškog časopisa.

Na osnovu teksta „Pranje zuba” odgovorite na sljedeća pitanja:

Pitanje 1: PRANJE ZUBA

Šta je tema ovog članka?

- A Najbolji način za pranje zuba četkicom
- B Najbolja vrsta četkice za zube
- C Važnost zdravih zuba
- D Načini na koje različiti ljudi peru zube

BODOVANJE: PRANJE ZUBA 1

CILJ PITANJA:

Integracija i interpretacija: opće razumijevanje
Prepoznavanje osnovne ideje kratkog opisnog teksta

Maksimalan broj bodova

Kod 1: A Najbolji način za pranje zuba četkicom

Bez bodova

Kod 0: Drugi odgovori

Kod 9: Bez odgovora

Pitanje 2: PRANJE ZUBA

Šta preporučuju britanski istraživači?

- A Da se zubi što češće peru četkicom
- B Da ne treba pokušavati prati jezik
- C Da se zubi ne trljaju suviše jako četkicom

- D Da se jezik pere češće nego zubi.

BODOVANJE: PRANJE ZUBA 2

CILJ PITANJA:

Pristup i pronalaženje: pronalaženje informacije

Utvrđivanje sinonimske veze u kratkom opisnom tekstu

Maksimalan broj bodova

Kod 1: C Da se zubi ne trljaju suviše jako četkicom

Bez bodova

Kod 0: Drugi odgovori

Kod 9: Bez odgovora

Pitanje 3: PRANJE ZUBA

Zašto Bente Hansen smatra da četkicom treba prati jezik?

.....
.....

BODOVANJE: PRANJE ZUBA 3

CILJ PITANJA:

Pristup i pronalaženje: pronalaženje informacije

Lociranje informacije u kratkom opisnom tekstu

Maksimalan broj bodova

Kod 1: Poziva se ili na bakterije ILI uklanjanje lošeg zadaha ILI oboje. Odgovor se može parafrazirati ili direktno citirati iz teksta:

- Da bi se riješili bakterija
 - Na jeziku se mogu nalaziti bakterije
 - Bakterije
 - Da bi se izbjegao loš zadah
 - Loš zadah
 - Da bi se uklonile bakterije i spriječio loš zadah [oboje]
 - Na njemu se mogu nalaziti bakterije koje mogu izazvati loš zadah. [oboje]
- Bakterije mogu izazvati loš zadah.

Bez bodova

- Kod 0: Daje nedovoljan ili neodređen odgovor. Pokazuje pogrešno razumijevanje materijala ili daje neuvjerljiv ili nebitan odgovor:
- Četkicu treba držati onako kako držimo olovku.
 - Ne treba ga trljati prejako.
 - Da ga ne biste zaboravili
 - Da bi se uklonili ostaci hrane
 - Da bi se uklonio plak

Kod 9: Bez odgovora

Pitanje 4: PRANJE ZUBA

Zašto se u tekstu spominje olovka?

- A Da bi se bolje shvatilo kako držati četkicu za zube
- B Zato što se i četkicom i olovkom počinje iz jednog ugla
- C Da se pokaže da se zubi mogu prati na više različitih načina
- D Zato što je pranje zuba jednako ozbiljno kao i pisanje

BODOVANJE: PRANJE ZUBA 4

CILJ PITANJA:

Razmišljanje i vrednovanje: razmišljanje o formi teksta i njeno vrednovanje

Prepoznavanje svrhe analogije u kratkom opisnom tekstu

Maksimalan broj bodova

Kod 1: A Da bi se bolje shvatilo kako držati četkicu za zube

Bez bodova

Kod 0: Drugi odgovori

Kod 9: Bez odgovora